


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-108	Al-Kautsar	3	1	Makkiyyah	Ke-15	3





### **Zaman Diturunkan**

Surah al-Kautsar juga diturunkan pada peringkat kedua kehidupan Rasulullah di Mekah di antara tahun ke-4 hingga ke-5 Kenabian, pada ketika itu da'wah sudah pun disampaikan secara terbuka oleh Rasulullah s.a.w., surah ini diturunkan ketika Rasulullah s.a.w. sedang mengalami kesedihan yang amat sangat kerana kematian anakanda Baginda; Qasim. Dengan kematian Qasim, seorang pemimpin Quraisy bernama 'Aash bin Wa'il as-Sahmi berkata: "Muhammad sudah أَثَّرَ".

### **Perkaitan Surah Al-Kautsar Dengan Surah Sebelum Dan Selepasnya**

1. Di dalam Surah al-Ma'un sebelum ini disebutkan kesalahan-kesalahan dan jenayah-jenayah kemasyarakatan yang dilakukan oleh pemimpin-pemimpin Quraisy Mekah, kerana tidak percayakan hari akhirat, mereka tidak melaksanakan hak-hak Allah dan hak-hak hamba (orang ramai). Di dalam Surah al-Kautsar ini pula diberi ramalan dan isyarat kepada sekalian musuh-musuh Rasulullah bahawa mereka akan binasa dan lenyap, melalui ajaran Rasulullah s.a.w. pula manusia akan pandai menjaga hak-hak Allah dan juga hak-hak hamba.
2. Di dalam Surah al-Ma'un disebutkan salah satu kesalahan besar pemimpin-pemimpin Quraisy iaitu mereka bersembahyang tidak kerana Allah melainkan untuk menunjuk-nunjuk kepada orang ramai sahaja. Mereka sebenarnya tidak mempedulikan sembahyang pun. Di dalam Surah al-Kautsar ini pula dikemukakan contoh pemimpin yang ideal kerana bersembahyang dengan ikhlas hanya kepada Allah dan berkorban juga hanya untuk mendapat keredhaanNya.
3. Di dalam Surah al-Kafirun selepas ini, Rasulullah s.a.w. diperintahkan supaya memutuskan terus hubungan dengan pemimpin-pemimpin musyrikin Quraisy yang berpura-pura itu. Tiada ruang langsung dalam agama yang memperjuangkan aqidah tauhid untuk bertolak ansur atau berkompromi dengan ahli-ahli politik yang bertalam dua muka.



### Beberapa Kata Kunci Dan Tema Utama Surah

1. الْكَوْثَرُ adalah اسم مُبَالِغَة daripada كَثِير ia adalah satu perkataan yang lengkap dan sangat luas ertinya, termasuk dalam الْكَوْثَر segala bentuk ni`mat Allah dan kebaikan-kebaikan yang banyak manfaatnya. الْكَوْثَر juga nama satu sungai syurga, pernah Rasulullah s.a.w. bertanya para sahabatnya:

أَتَدْرُونَ مَا الْكَوْثَرُ؟ قُلْنَا اللَّهُ وَرَسُولُهُ أَعْلَمُ، قَالَ: فَإِنَّهُ نَهْرٌ وَعَدَنِيهِ رَبِّي عَزَّ وَجَلَّ فِيهِ خَيْرٌ كَثِيرٌ

Bermaksud: “Tahukah kamu apa itu الْكَوْثَر?” Para sahabat menjawab: “Allah dan rasulNya lebih mengetahui”. Katanya: “Sesungguhnya ia adalah satu sungai yang dijanjikan Allah kepadaku, padanya terdapat banyak sekali kebaikan”. Hadits Riwayat Muslim, Kitab as-Shalat, hadits 921 daripada Anas.

2. شَانِئٌ adalah اسم فاعل daripada يَشْتَأُ، يَشْتَأُ ia bererti musuh yang jahat dan penuh dengan dendam kesumat.

3. أَبْتَرُ terputus ekor; tidak ada keturunan dan terputus zuriat; tidak mempunyai anak lelaki; tidak ada langsung kebbaikannya; terputus daripada mendapat sebarang perkara yang diinginkan.